



Tingim long was gut long wanem ol websait yu bai klik long en-nogut yu bai kamap long wanpla igat ol nogut seks piksa na ol piksa blong pait nogut.

Bai mi mekim wanem sapos mi lukim ol kain piksa blong seks onlain?

Ating yu no min long klik long wanpla link we yu lukim ol piksa nogut blong seks na em i mekim yu pret o kirap nogut. O nogut ol pren blong yu tokim yu long painim ol kain seks piksa o hap hap blong bodi blong man. O ating yu laik save moa long senis i wok long kamap long bodi blong yu na rilesensip blong yu wantaim ol narapla.

Em importen long save olsem ol kain toktok na piksa blong seks long onlain em planti taim iken bagarapim yu na ol pren blong yu. Ol inap long:

1. givim yu rong tingting long seks na kam klostu wantaim narapla man/meri na bai bagarapim tingting blong yu long kamapim helti, rilesensip wantaim rispek.
2. soim olsem em i nomol wei blong ol man na meri save stap em ino tru.
3. promotim vailens o pasin blong paitim ol meri, we em ino orait olgeta.

Sapos yu laikim ol trupla toksave we i orait long krismas mak blong yu, orait askim wanpla bikpla man/meri o pren yu trastim.

Pasin blong serim ol as nating piksa bilong ol liklik pikinini em ino orait tru. Sapos yu lukim kain samting, yu mas ripotim igo long polis.

Bai mi mekim wanem sapos mi lukim pasin blong pait na bagarapim bodi long onlain?

Sampla pipel na ol grup save serim ol piksa nogut tru onlain, kain olsem pasin blong kilim o katim ol man, ol eksiden na bikpla bagarap. Yu inap long lukim ol piksa we bai mekim yu kirap nogut o mekim yu pret. Sampla taim ol ino tingting long bagarapim wanpla lain, tasol long yu na ol arapela lain displa kain piksa inap bagarapim tingting blong yu/yupela.

Kisim eksen na kontrolim wanem yu lukim

Yu mas tingim olsem em orait sapos yu pasim tingting long wanem samting yu laik lukim na wanem samting yu no laik long lukim onlain. Yu ken kontrolim olsem:

1. Go tasol long ol websait we yu save na trastim.
2. Joinim ol onlain grup we i save serim gutpla na seif piksa na ol toktok tasol.
3. Ripot long ol piksa o toktok we i mekim yu pret o mekim yu kros. Blong kisim moa Toksave long ripotim ol piksa o video long Facebook, go long [Help Senta](#). Nogut ol bai laik ritim ol [Facebook Komyuniti Standet](#) tlong save long wanem samting em orait na wanem samting em ino orait long larim long pletfom.
4. Ripotim ol piksa we i brukim lo o ol toktok igo long polis.
5. Toktok wantaim ol bikpla lain we yu trastim netwok blong kisim moa toksave, edvais o olkain.

